

**Bosna i Hercegovina
Parlamentarna skupština
Bosne i Hercegovine
Dom naroda
Ustavno-pravna komisija**

Primaljeno: 23. 11. 01.			
Org. jed.	Broj	Prilog	Vrijednost
02/1	011-755/11.		

Broj: 02/1-011-755/01
Sarajevo: 20.11.2001.godine.

Z A P I S N I K

sa dvanaeste Radne sjednice Ustavno-pravne komisije Doma naroda Parlamentarne skupštine Bosne i Hercegovine, održane 20.11.2001.godine.

Sjednica je počela sa radom u 10: 00 sati.

Sjednici su prisustvovali članovi komisije: Ibrahim Spahić, Šefik Džaferović, Niko Sušac, Dragutin Rodić, Nikola Špirić. Sjednici nije prisustvovao član komisije Ivo Živković.

Sjednicom je predsjedavao predsjedajući Ustavno-pravne komisije Doma naroda Parlamentarne skupštine BiH Ibrahim Spahić. Pored članova komisije sjednici je prisustvovao Sekretar Ustavno-pravne komisije Aljoša Čampara, Savjetnici zamjenika predsjedavajućih Doma naroda Siniša Davidović i Ivo Andrić, Amir Pilav ispred Ministarstva civilnih poslova i komunikacija BiH, Sena Hatibović ispred Ministarstva vanjske trgovine i ekonomskih odnosa BiH.

Za sjednicu je predložen i usvojen sljedeći

D N E V N I R E D :

1. Usvajanje zapisnika sa 11. sjednice Ustavno-pravne komisije Doma naroda ;
2. Nacrt zakona o deminiranju u BiH;
3. Nacrt zakona o državnoj službi u institucijama vlasti Bosne i Hercegovine;
4. Prijedlog zakona o zaštiti potrošača u BiH;
5. Prijedlog zakona o autorskom pravu i drugim srodnim pravima u BiH;
6. Nacrt zakona o upotrebi i zaštiti znaka Crvenog krsta/križa i naziva društva Crvenog krsta /križa BiH
7. Tekuća pitanja.

Ad.1. Usvajanje zapisnika sa 11. sjednice Ustavno-pravne komisije Doma naroda

Zapisnik sa 11. sjednice Ustavno-pravne komisije Doma naroda Parlamentarne skupštine BiH usvojen je jednoglasno.

Ad.2. Nacrt Zakona o deminiranju - predlađač Vijeće ministara BiH

U raspravi o ovoj tački dnevnog reda učestvovali su Nikola Špirić i Šefik Džaferović. Komisija je ovaj tekst zakona raspravljala u skladu sa članom 79.2. Poslovnika Doma naroda Parlamentarne skupštine BiH kao nadležna komisija i zaključila da navedeni zakon proslijedi u dalju parlamentarnu proceduru prema Domu naroda u tekstu kakav je dostavljen od strane predlagача. Amandmane na zakon je uložio delegat Nikola Špirić od kojih komisija nijedan nije prihvatila.

Ad.3. Nacrt zakona o državnoj službi u institucijama vlasti BiH - predlagač Vijeće ministara BiH

U raspravi o ovoj tački dnevnog reda učestvovali su svi članovi komisije. Ustavno-pravna komisija Doma naroda je na svojoj dvanaestoj sjednici raspravljala i razmatrala navedeni zakon kao nadležna komisija u skladu sa članom 79.2 Poslovnika Doma naroda Parlamentarne skupštine BiH. Ustavno-pravna komisija je raspravljala i usvojila sljedeće Amandmane na tekst zakona koje su podnijeli delegati u Domu naroda i koji su postali sastavni dio teksta zakona te ih Ustavno-pravna komisija Doma naroda dostavlja Domu naroda Parlamentarne skupštine BiH u dalju poslovničku proceduru kako slijedi:

Predlagač Amandmana delegat Šefik Džaferović

Amandman I

U članu 16.tačka 2. riječ "ili" zamjeniti sa slovom "i" i riječi "bliskih srodnika" zamjeniti sa riječima "članovi uže porodice".

Predlagač Amandmana delegat Momčilo Novaković

Amandman I

U članu 70. stav 7. mijenjaju se riječi "Na početku primjene" riječima "U primjeni".

Predlagač Amandmana delegat Sejfudin Tokić

Amandman I

U članu 6. stav 1. riječi " i centralna banka" brišu se.U stavu 2. riječi "i Centralna banka" brišu se. Dodaje se novi stav koji glasi: "Ovaj zakon ne primjenjuje se na osobe zaposlene u Centralnoj banci BiH".

Predlagač Amandmana delegat Nikola Špirić

Amandman I

U naslovu-imenu Zakona brisati riječ "vlasti" tako da zakon glasi "Zakon o državnoj službi u institucijama BiH"

Amandman II

U članu 1. stav 1. brisati riječ "vlasti"

Amandman III

U članu 2. u stavu 2. brisati riječ "okvirno"

Amandman IV

U članu 7. podtačka a) brisati stav "2) sekretar sa posebnim zadatkom". Također u daljem tekstu zakona brisati sve odredbe koje su vezane za poslove sekretara sa posebnim zadatkom.

Amandman V

U članu 69. brisati stav 1.

Ad.4. Prijedlog zakona o zaštiti potrošača u BiH - predlagač Vijeće ministara BiH

Ustavno-pravna komisija Doma naroda je raspravljala i razmatrala navedeni zakon kao nadležna komisija u skladu sa članom 79.2 Poslovnika Doma naroda Parlamentarne skupštine BiH. Ustavno-pravna komisija je raspravljala i usvojila sljedeće Amandmane na tekst zakona koje je podnio delegat u Domu naroda Ibrahim Spahić i koji su postali sastavni dio teksta zakona te ga Ustavno-pravna komisija Doma naroda dostavlja Domu naroda Parlamentarne skupštine BiH u dalju poslovničku proceduru. Amandmane na tekst zakona podnijeli su i delegati Nikola Špirić i Momčilo Novaković koji su odbijeni.

Predlagač Amandmana delegat Ibrahim Spahić

Amandman I

1. U članu 18. stav 11. u prvom i u trećem redu riječ "Savez" briše se, a u istim redovima riječ "udruženja" zamjenjuju se riječju "udruženje".
2. U istom stavu, u četvrtom redu i u stavu 2. u prvom redu, u tekstu pod navodnim znacima riječi "SUPBiH" slovo "S" briše se.

Amandman II

U članu 116. u stavu 1. f) riječ "Savezu" briše se, a riječ "udruženja" zamjenjuju se riječju "Udruženju".

Amandman III

1. U članu 117. stav 1. iza tačke b) dodaje se nova tačka c) koja glasi:
"c) Organa nadležnih za fitosanitarnu zaštitu
2. U istom stavu tačke c), d), e) i f) postaju tačke d), e), f) i g)
3. U istom stavu dosadašnje tačke g), h), i) i j) brišu se.
4. U dosadašnjoj tački k) postaje tačka h) riječ "Savezu" briše se a riječ "udruženja" zamjenjuje se riječju "Udruženja".

Amandman IV

U članu 122. u st.4. i 5. riječ "Savez" briše se, a riječ "udruženje" u različitim padežima zamjenjuje se riječju "Udruženje".

Amandman V

Iza člana 139. dodaje se novi član 140. koji glasi: Odredbe člana 48. do člana 110. primjenjuju se do stupanja na snagu zakona koji regulišu obligacione odnose u BiH.

Dosadašnji član 140. postaje član 141.

Ad.5. Prijedlog zakona o autorskom pravu i srodnim pravima u BiH - predlagač Vijeće ministara BiH

U raspravi o ovoj tački dnevnog reda učestvovali su svi članovi komisije. Ustavno-pravna komisija Doma naroda je razmatrala navedeni zakon kao nadležna komisija u skladu sa

članom 79.2 Poslovnika Doma naroda Parlamentarne skupštine BiH. Ustavno-pravna komisija je raspravljala i usvojila sljedeće Amandmane na tekst zakona koje su podnijeli delegati u Domu naroda i koji su postali sastavni dio teksta zakona te ga Ustavno-pravna komisija Doma naroda dostavlja Domu naroda Parlamentarne skupštine BiH u dalju poslovničku proceduru.

Predlagač Amandmana delegat Ibrahim Spahić

Amandman I

U članu 54. u stavu 4. riječi: "Akademija nauka i umjetnosti Bosne i Hercegovine", zamjenjuje se riječima "institucije iz oblasti nauke i umjetnosti".

Amandman II

U članu 83. u trećem redu riječi: "Akademija nauka i umjetnosti BiH " zamjenjuje se riječima: "institucije iz oblasti nauke i umjetnosti".

Amandman III

Član 134. mijenja se i glasi:

"1. Vođenje postupka za krivična djela utvrđena ovim zakonom kao i za donošenje rješenja u drugom stepenu za prekršaje utvrđene ovim zakonom nadležan je Sud BiH.

2. Prvostepeni postupak za prekršaje utvrđene ovim zakonom vode nadležni organi entiteta do donošenja zakona o prekršajima Bosne i Hercegovine."

Predlagač Amandmana delegat Ilija Šimić

Amandman I

U članku 6. stavak 2a.m, u zagradi iza riječi "brošure" dodati riječi "Književni tekstovi". Preostali dio teksta se ne mjenja.

Predlagač Amandmana delegat Momčilo Novaković

Amandman I

Član 1. iza tačke c) dodati

"č) pravo proizvođača videograma

ć) pravo proizvođača baze podataka"

Amandman II

Član 3. mjenja se i glasi:

"1. Izraz "javan" i "javnost", u smislu ovoga zakona, znači dostupnost djela neodređenog broja ljudi (pojedinaца) koji nisu povezani rodbinskom ili nekim drugim vezama , i koji imaju slobodan pristup djelu kroz javnu prezentaciju istog."

Amandman III

Član 28. poslije tačke 1. dodaje se nova odredba:

"2. Koautori su nosioci zajedničkog autorskog prava na koautorskom dijelu, ako ovim zakonom ili ugovorom kojim se uređuju njihovi međusobni odnosi nije drukčije predviđeno.

- Za ostvarivanje autorskih prava i prenošenje tog prava neophodna je saglasnost svih koautora. Koautor ne smije uskratiti svoju saglasnost protivno načelu savjesnosti i poštenja, niti činiti bilo šta što škodi ili bi moglo škoditi interesima ostalih koautora.
- Svaki koautor je ovlašćen da podnosi tužbe za zaštitu autorskih prava na koautorskom djelu, s tim da može postavljati tužbene zahtjeve samo u svoje ime i za svoj račun.
- Ako se nisu drugačije sporazumjeli koautori dijele ekonomsku korist od iskorištavanja koautorskih djela srazmjerno stvarnom doprinosu koji je svaki dao u stvaranju djela.
- Član 28. tačke 2. i 3. postaju 3. i 4.

Ad.6. Nacrt Zakona o upotrebi i zaštiti znaka Crvenog krsta/križa i naziva društva Crvenog krsta/križa BiH - predlagač Vijeće ministara BiH

U skladu sa članom 78.2 i članom 79.1. Poslovnika Doma naroda komisija je raspravljala da li je tekst zakona u skladu sa Ustavom BiH i jednoglasno zaključila da je u skladu sa Ustavom BiH i da postoji ustavno-pravni osnov za njegovo donošenje te ga šalje u dalju poslovničku proceduru u skladu sa Poslovníkom Doma naroda.

Ad.15. Tekuća pitanja

Pod tekućim pitanjima Komisija je prihvatila prijedlog zaključaka vezanih za predstavku BNT-Traktori i Autodizalice d.o.o.

Sjednica je završila sa radom u 14:00 sati

Sekretar
Ustavno-pravne komisije
Aljoša Čampara s.r.

Predsjedavajući
Ustavno-pravne komisije
Ibrahim Spahić s.r.